

DEMANTI

Savjet Mjesne zajednice Karadaglije demantuje netačne navode objavljene na društvenim mrežama i portalu "Afirmacija.ba" u vezi s navodnom zabranom održavanja Trećeg šahovskog prvenstva "KOPRIVCI-KARADAGLIJE OPEN" u prostorijama MZ Karadaglije.

- Prostorije MZ Karadaglije su javno dobro svih mještana Karadaglija i Koprivaca. Savjet MZ ima obavezu domaćinskog odnosa prema toj imovini, njenom čuvanju i održavanju. Prostorije su i ranije davane na korištenje zainteresovanim stranama – uključujući šahovska prvenstva – ali isključivo na osnovu blagovremeno podnesenog zahtjeva sa tačnim terminima i imenom odgovorne osobe.
- Za Treće šahovsko prvenstvo Savjet MZ do danas nije zaprimio nikakav zvanični zahtjev niti obavijest. Samim tim Savjet nije mogao razmatrati niti odobriti, a kamoli "zabraniti" održavanje takve aktivnosti.
- Navodi o "zabrani", "opstrukciji" ili "oduzimanju inventara" su netačni i nanose štetu ugledu Savjeta i mještana Karadaglija i Koprivaca. Savjet MZ kategorički odbacuje tvrdnje da je promijenio brave radi sprječavanja ulaska članova šahovske sekcije ili da je uklonio donirani inventar. Brava na objektu je promijenjena isključivo zbog tehničkog kvara nastalog nakon prethodnih aktivnosti, svaka druga konstrukcija izrazito je zlonamjerna. Sav inventar i oprema koja se koristi u prostorijama MZ evidentirana je i čuva se u skladu s pravilima.
- Savjet MZ Karadaglije poziva medije, javnost i korisnike društvenih mreža na provjeru informacija prije objavljivanja, jer netačni navodi mogu izazvati nepotrebne podjele, nepovjerenje i narušiti ugled mještana, kao i same aktivnosti u zajednici.
- Savjet MZ Karadaglije ostaje otvoren za saradnju sa svim građanima i organizacijama koji žele koristiti prostorije MZ na transparentan, zakonit i korektan način, uz poštivanje procedura i međusobno uvažavanje.

Savjet Mjesne zajednice Karadaglije

